

gen wirdt/ so nenne sie jedoch wegen ihres ampts die ander a z : steche in diese ander a z mit hülff eines an dieselbige / vnd dann vber Punct k gelegten Winckelhackens/ wie solches hievor mehr geschehen/ einen Puncten/ ist ander m: neme fürders die weite zwischen beyden Puncten k vnd ander m: trage sie auß k auff die Linie a y zwischen k a: stich daselbsten einen Puncten / ist ander n : vmb dis ander n reiß durch den Sonnencircul: ziehe ferner auß ander n auch eine blinde Linie/ an allen orten vnd enden gleiche weit von n l liegend: der durchschnitt/ da nemlich diese auß ander n gezogene blinde Linie den Sonnencircul durchschneit/ ist der Punct o : theile fürders auß dem Punct o den Sonnencircul in seine 24 theil: lege das Lineal auff ander n vnd allemal zugleich vber zween gegen einander stehende Puncten des Sonnencirculs/ vnd wo die Linie h i vberschnitten wirdt/ stich Puncten. Ferner so ziehe/ vñ welche gegen du wilt/ doch vber dem schon gerissenen Sonnencircul/ durch die Linie a y kreuzweiß abermal eine Linie/ ist ander h i: der durchschnitt ist ander k: steche in ander a z, abermahl mit hülff eines an dieselbige gerad vnd vber ander k gelegten Winckelhackens/ einen Puncten/ ist dritt m: trage die weite zwischen ander k vnd dritt m auß ander k auff die Linie a y zwischen ander k vnd Punct a: stich daselbsten einen Puncten/ ist dritt n : vmb dis dritt n reiß durch ander k noch einen Sonnencircul: ziehe ferner auß dritt n noch eine blinde Linie/ ebener massen an allen orten vnd enden gleiche weit von n l liegend: der durchschnitt / da nemlich diese auß dritt n gezogene Linie den andern Sonnencircul durchschneit/ ist ander o : theil diesen andern Sonnencircul voriger gestalt in 24 gleiche theil: leg das Lineal auff dritt n vnd allemal zugleich vber zween gegen einander stehende Puncten oder theil des andern Sonnencirculs/ vnd wo ander h i von dem Lineal zugleich vberschnitten würd/ stich Puncten: endlich die auß beyde h i gestochene/ vnd zween vnd zween gegen einander stehende Puncten zusammen gezogen/ sein die recht gefundene stundlinien. Dann von 12, welcher/ wie im andern Capitel gemelt/ der Punct o zugeschrieben wirdt/ zur rechten seiten gerechnet vnd gezehlet / findestu alle vor Mittagstunden / bis auff morgen